



01/2-50-1
ly

Broj: 05-50-1-3348/13
Sarajevo, 30.12.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

| | | | |
|------------------------|---------------|------------|--------------|
| PRIMLJENO: | 31.12.2013 | | |
| Organizaciona jedinica | Klasifikacija | Redni broj | Broj prijema |
| 01-50-1-15 | zakonski | 15 | 57/13 |

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 78. sjednici održanoj 30.12.2013. godine, utvrdilo je Odgovor na zastupničko pitanje koje je postavio Lazar Prodanović, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-3348/13
Sarajevo, 30.12.2013. godine

Lazar Prodanović, poslanik u Predstavničkom domu Parlamentarne skupštine Bosne i Hercegovine, na 57. sjednici Predstavničkog doma održanoj 20. novembra 2013. godine, postavio je sljedeće poslaničko pitanje:

„Zbog čega je Uprava za indirektno oporezivanje, na prijedlog Ureda za veterinarstvo BiH, Odlukom o visini naknade za obavezne veterinarsko – zdravstvene preglede u prometu preko granice BiH, za skoro četiri puta uvećala iznos koji se plaća za veterinarsko – zdravstvene preglede žitarica, konkretno kukuruza, za ishranu životinja?“

Na postavljeno pitanje, Savjet ministara Bosne i Hercegovine je na 78. sjednici održanoj 30.12. 2013. godine, utvrdio sljedeći

ODGOVOR

Preglede živih životinja, proizvoda životinjskog porijekla, stočne hrane i veterinarskih lijekova u prometu preko granice Bosne i Hercegovine vrši Kancelarija za veterinarstvo Bosne i Hercegovine (u daljem tekstu: Kancelarija), odnosno granična veterinarska inspekcija. Sve troškove koji proističu iz veterinarskih kontrola, uključujući i one koji proističu iz eventualno neophodnih veterinarskih mjera nakon što je urađena kontrola (vraćanje, uništavanje, transformacija, zapljena, zabrana uvoza itd...) mora snostiti uvoznik ili njegov predstavnik. Uvoznik ili njegov predstavnik dužan je platiti troškove proistekle iz veterinarskih kontrola, čak i kada je pošiljka odbijena nakon što je granični veterinarski inspektor uradio kontrolu.

Za određivanje visine naknade za obavezne veterinarsko – zdravstvene preglede u prometu preko granice Bosne i Hercegovine nije nadležna Uprava za indirektno oporezivanje BiH, već je članom 16. stav (4) Pravilnika o uslovima i načinu rada graničnih veterinarsko - inspeksijskih prelaza u Bosni i Hercegovini ("Službeni glasnik BiH", broj 45/09) utvrđeno da je Kancelarija za veterinarstvo Bosne Hercegovine dužna da propiše:

a) visinu i način naplate troškova - naknade za obavljeni pregled veterinarske inspekcije koju treba da snose uvoznici;

b) načine na koje uvoznici mogu platiti troškove za veterinarsku kontrolu i garancije za plaćanja koja mogu biti prihvaćena umjesto naplate.

Visina naknade koja se plaća za preglede propisana je Odlukom Kancelarije o visini naknade za obavezne veterinarsko – zdravstvene preglede u prometu preko granice Bosne i Hercegovine („Službeni glasnik BiH“ broj 62/12). U 2013 godini Kancelarija je donijela Odluku o izmjeni i dopuni Odluke o visini naknade za obavezne veterinarsko-zdravstvene preglede („Službeni glasnik BiH“, broj 78/13) koja se odnosi na visinu naknade koju uvoznici moraju da plate, na način da je cijena pregleda pošiljki žitarica i ostalih sirovina biljnog porijekla koje se koriste za ishranu stoke smanjena.

Odlukom o visini naknade za obavezne veterinarsko-zdravstvene preglede u prometu preko granice Bosne i Hercegovine, članom 2. tačka c) visina naknade za veterinarsko-zdravstvene preglede pošiljki (uključujući i žitarice) koje su navedene u ovoj tački iznosila je:

- „do šest tona neto- mase-70,00 KM, te za svaku narednu započetu tonu – 9,00 KM“,

a izmjenom i dopunom ove Odluke navedena odredba je promijenjena i glasi:

„ do šest tona neto-mase 70,00 KM, te za svaku narednu započetu tonu – 2,00 KM“.

Na osnovu ove izmjene i dopune, na primjer ako je uvoznik uvezio preko 20 tona kukuruza i platio 205,00 KM sada će za pregled iste pošiljke platiti 100,00 KM.

Za sve dodatne informacije Kancelarija za veterinarstvo Bosne i Hercegovine je na raspolaganju.